

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 7/10 i 3/23), a u vezi realizacije Presude Ustavnog suda Federacije Bosne i Hercegovine, broj: U-11/17 od 12.09.2017. godine („Službene novine Zeničko-dobojskog kantona, broj: 13/17 i „Službene novine Federacije BiH“, broj: 91/17), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 73. sjednici, održanoj dana 21.03.2025. godine, d o n o s i

ZAKLJUČAK

I.

Prihvata se Informacija o Presudi Ustavnog suda Federacije Bosne i Hercegovine, broj: U-11/17 od 12.09.2017. godine („Službene novine Zeničko-dobojskog kantona“, broj: 13/17 i „Službene novine Federacije BiH“, broj: 91/17).

II.

Zadužuju se Općina Tešanj i Općina Usora da djeluju zajednički i na partnerskim osnovama, te da prema Ministarstvu za poljoprivredu, šumarstvo i vodoprivredu u roku od 15 dana dostave Prijedlog odluke o zonama sanitarne zaštite i zaštitnim mjerama za izvorište koje se nalazi na teritoriji općine Tešanj i općine Usora, a uključuje bunare B-1, B-2 i B-3 locirani su na teritoriji Općine Tešanj i bunare B-4 i B-5 locirani na teritoriji Općine Usora.

III.

Za realizaciju ovo zaključka zadužuju se Općina Tešanj, Općina Usora i Ministarstvo za poljoprivredu, šumarstvo i vodoprivredu, svako u okviru svojih nadležnosti.

IV.

Zaključak stupa na snagu danom donošenja.

Broj: 02-_____/25

Datum, 21.03.2025. godine

Zenica

PREMIJER

Nezir Pivić

DOSTAVLJENO:

1x Ministarstvo za poljoprivredu, šumarstvo i vodoprivredu,

1x Ustavni sud Federacije Bosne i Hercegovine,

putem Ministarstva

1x Ured za saradnju i zastupanje pred Ustavnim sudom

Bosne i Hercegovine i Ustavnim sudom Federacije

Bosne i Hercegovine, putem Ministarstva,

1x Općina Tešanj, putem Ministarstva,

1x Općina Usora, putem Ministarstva,

1x a/a.

I N F O R M A C I J A

o Presudi Ustavnog suda Federacije Bosne i Hercegovine, broj: U-11/17 od 12.09.2017. godine („Službene novine Zeničko-dobojskog kantona, broj: 13/17 i „Službene novine Federacije BiH“, broj: 91/17)

Presudom Ustavnog suda Federacije Bosne i Hercegovine, broj: U-11/17 od 12.09.2017. godine („Službene novine Zeničko-dobojskog kantona, broj: 13/17 i „Službene novine Federacije BiH“, broj: 91/17) utvrđeno je da je Odlukom o zonama sanitarne zaštite i zaštitnim mjerama za izvoršte „Jelah“ općina Tešanj („Službene novine Zeničko-dobojskog kantona“, broj: 13/16) povrijeđeno pravo na lokalnu samoupravu Opštine Usora, te da je Presudu potrebno objaviti objaviti u „Službenim novinama Federacije BiH“ i „Službenim novinama Zeničko-dobojskog kantona“.

Ustavni sud Federacije je utvrdio je da je osporena Odluka donesena na 75. sjednici Vlade Zeničko-dobojskog kantona održanoj dana 27.10.2016. godine, na osnovu člana 68. stav 3. federalnog Zakona o vodama, člana 40. stav (3) Zakona o vodama Zeničko-dobojskog kantona, članom 13. stav (2) Pravilnika o načinu utvrđivanja uslova za određivanje sanitarne zaštite i zaštitnih mjera za izvoršte vode za javno snabdijevanje stanovništva, te da je predmet Odluke osiguranje izvorišta vode od namjernog ili slučajnog onečišćenja i od drugih uticaja koji mogu nepovoljno djelovati na zdravstvenu ispravnost vode ili na njezinu zagađenost, odnosno, da se Odlukom utvrđuju zone sanitarne zaštite za izvoršte „Jelah“ sa kojeg se vrši snabdijevanje vodom za piće potrošača sa područja Opštine Tešanj, nadležni organ i pravno lice zaduženo za sprovođenje Odluke, naziv i lokacija izvorišta, topografske karte odgovarajuće razmjere sa ucrtanim granicama zaštitnih zona, detaljan opis granica zona sanitarne zaštite, sanitarne i druge uslovi provođenja ljudskih aktivnosti u pojedinim zonama zaštite uz detaljan opis mjera zaštite, zabrane ili ograničenja, vršenje nadzora nad provođenjem režima zaštite i zaštitnih mjera, način monitoringa kvaliteta i kvantiteta vode na izvorištu, izvor i način finansiranja provođenja zaštitnih mjera, kao i rokovi njihove primjene, kaznene odredbe te druga pitanja od značaja za sprovođenje sanitarne zaštite, kao i izdašnost izvorišta vode za piće. Osporenim Odlukom su utvrđene zone sanitarne zaštite i zaštitne mjere za izvoršte „Jelah“ sa područja sa kojeg se vrši snabdijevanje vodom za piće potrošača sa područja Opštine Tešanj, da se izvorište nalazi 2 km sjeverno od Jelaha, da izvorište čine 5 bunara međusobno udaljenih 200 do 300 m, od kojih su bunari B-1, B-2 i B-3 locirani na području Opštine Tešanj, a bunari B-4 i B-5 su locirani na području Opštine Usora, te da za sprovođenje osporene Odluke zadužene su opštine Tešanj i Usora, dok izvorištem upravlja privredno društvo „Rad“ d.d. Tešanj koji je ujedno i Operater.

Ustavni sud Federacije je utvrdio, da je Opština Usora na određeni način (i to samo putem mišljenja načelnika Opštine) bila konsultovana o Nacrtu osporene Odluke, međutim, da dalnji proces donošenja osporene Odluke kojom se uređuju pitanja upravljanja vodama i njihove zaštite kao opšteg dobra i dobra od strateškog interesa, zahtijeva potpuniji, Zakonom propisani pristup i procedure koje će osigurati u prvom redu, punu saradnju Opštine Tešanj i Opštine Usora kao jedinica lokalne samouprave u regulisanju na odgovarajući način, međusobnih prava i obaveza o pitanjima zona sanitarne zaštite i zaštitnim mjerama za izvoršte „Jelah“ u Opštini Tešanj, a koje se prostire na području obje opštine. Mišljenje je Ustavnog suda Federacije da se u konkretnom slučaju ne radi o povredi prava Opštine Usora na imovinu,

nego o povredi prava na lokalnu samoupravu u vezi sa zonama sanitarne zaštite i zaštitnim mjerama za izvorište „Jelah“ čije se izvorište prostire na području obje opštine, da postupanje kantonalnih vlasti u vezi sa postupkom i donošenjem osporene Odluke i uređenje zona sanitarne zaštite i zaštitnih mjera za navedeno izvorište na navedeni način, nije u skladu sa relevantnim odredbama Ustava Federacije Bosne i Hercegovine, Evropskom poveljom o lokalnoj samoupravi i Zakonom o principima lokalne samouprave u Federaciji Bosne i Hercegovine, pa je nadležni organ Zeničko-dobojskog kantona, nakon objavljivanja ove Presude u „Službenim novinama Federacije BiH“ dužan donijeti novu Odluku u skladu sa Ustavom i zakonom, kao i sa instrumentima međunarodnog prava koji su sastavni dio pravnog poretka u Bosni i Hercegovini, poštujući pri tome jednaka ustavna i zakonska prava i dužnosti opština Tešanj i Usora kao jedinica lokalne samouprave.

Aktom Ustavnog suda Federacije BiH, broj: S-19-2/23 od 05.04.2023. godine zatražena je Informacija da li je postupljeno po konačnoj i obavezujućoj presudi, odnosno da se dostavi informacija o razlozima nepostupanja, te da je aktom Zajedničkog pravobranilaštva Opštine Usora i Opštine Doboj Jug, broj: 07-07-03-2/23 od 22.03.2023. godine predloženo da Ustavni sud Federacije Bosne i Hercegovine donese rješenje kojim se navedeno utvrđuje i dostavi nadležnom tužilaštvu ili drugom organu nadležnom za izvršenje koje odredi Sud. Aktom Ministarstva broj: 05-04-5831-1/23 od 26.04.2023. godine dostavljena je Obavijest o provedenim aktivnostima Ministarstva u periodu nakon donošenja Presude, te da će Ministarstvo sa namjerom provođenja predmetne Presude, a u cilju zaštite izvorište pitke vode na obostrano zadovoljstvo, uputiti pozive Općinskim načelnicima Općine Tešanj i Općine Usora, kako bi zajedničkim snagama pokušali naći najbolje rješenje za provođenje konačne i obavezujuće Presude Ustavnog suda u Federaciji BiH tj. da se konačno donese odluka zonama sanitarne zaštite na području općine Tešanj i općine Usora, a sve to na temelju zajedničkih saznanja o novim činjenicama koje su proizašle iz vođenja sudskih sporova oko vlasništva nad predmetnim bunarima i prava na upravljanje.

Aktom Ureda za saradnju i zastupanje pred Ustavnim sudom Bosne i Hercegovine, broj: 02-1-05-103/23 od 22.06.2023. godine zatraženi su podaci da li je izvršena predmetna Presuda, te ukoliko nije koje su aktivnosti poduzete. Aktom Ministarstva broj: 05-21-10399-1/23 od 30.06.2023. godine dat je odgovor o provedenim aktivnostima nakon donošenja Presude, te da će Ministarstvo zatražiti informaciju od Kantonalnog pravobranilaštva ZDK, Općine Tešanj i Općine Usora, kao stranaka koje su vodile postupke za rješavanje prethodnog pitanja oko vlasništva na bunarima i prava na upravljanje, što je i učinjeno aktom Ministarstva, broj: 05-21-10399-2/23 od 30.06.2023. godine odnosno zatražena je informacija o svim postupcima koji su vođeni ili koji se vode pred sudovima BiH, a posebno po apalaciji AP-187/19 kod Ustavnog suda BiH. U vezi akta Ministarstva, dana 25.07.2023. godine u Ministarstvo je zaprimljen akt Općinskog načelnika Usora broj: 02-21-3/23 od 13.07.2023. godine u kojem je navedeno da se tri bunara nalaze unutar administrativnih granica Općine Usora koje su njeno formalnopravno vlasništvo, a sa kojih se izvorišta (bunara) pitkom vodom snabdijeva jedan dio stanovništva Općine Tešanj, da navedenim bunarima upravlja JP „RAD“ Tešanj i niz godina neovlašteno ulazi u teritoriju Općine Usora i istu ometa u vršenju svog posjeda i vlasništva, a što je ujedno postavljen tužbeni zahtjev sudskog postupka koji se vodi pred redovnim sudom u predmetu broj: 39 0 P 059815 20 P, te drugih postupaka nema. Aktom Kantonalnog pravobranilaštva broj: U-4/16 od 18.07.2023. godine odgovoreno je da je Kantonalno pravobranilaštvo dostavilo odluku Kantonalnog suda, broj: 04 0 U 008860 18 U2 od 20.06.2018. godine, te da je Ustavni sud BiH donio Odluku broj AP-187/19 od 17.12.2019. godine u ovoj pravnoj stvari.

Aktom Ministarstva broj: 05-21-10399-2/23 od 14.07.2023. godine zatražili smo od Općine Tešanj i Općine Usora da hitno, bez odlaganja poduzmu zajedničke aktivnosti u pogledu predlaganja nove odluke o zonama sanitarne zaštite i zaštitnim mjerama za izvorište „Jelah“, te da djeluju zajednički i na partnerskim osnovama. Dana 28.07.2023. godine u Ministarstvo je dostavljen akt Općinskog načelnika Općine Tešanj, broj: 02-21-3-1776-11/16 od 25.07.2023. godine u kojem je dostavljena kopija spisa iz općine Tešanj sa hronologijom dešavanja po predmetnoj presudi, te ističe, između ostalog, citiram: “Obzirom na činjenicu da je Općina Usora u svom zadnjem pismenom aktu isticala neriješene imovinsko-pravne odnose u smislu postojećih bunara i njihove lokacije, smatramo da Vlada ZDK kod donošenja Odluke za koju je nadležna, ne treba miješati status imovine sa statusom zaštitnih zona izvorišta već treba jasno urediti zone sanitarne zaštite i zaštitne mjere za navedeno izvorište, s obzirom na to da izvorište prostire na području obje općine. Općina Tešanj također želi naglasiti, da je spremna sarađivati sa Ministarstvom za poljoprivredu, šumarstvo i vodoprivredu kako bi zajednički osigurali provedbu nove Odluke, uz poštovanje važećih propisa i međunarodno pravnih normi koje su sastavni dio pravnog poretka Bosne i Hercegovine, kao što je u naprijed navedenom periodu kontinuirano i radila“. Dana 03.08.2023. godine u Ministarstvo je zaprimljen akt Općinskog načelnika Općine Usora, broj: 02-21-3/23 od 28.07.2023. godine, a u vezi akta Ministarstva broj: 05-21-10399-2/23 od 14.07.2023. godine, u kojem je konstatovano da se nisu stekli uslovi za poduzimanjem zajedničkih aktivnosti i predlaganjem nove odluke o zonama sanitarne zaštite i zaštitnim mjerama za izvorište Lugovi, te da je još uvijek na snazi Zaključak Općinskog vijeća Usora („Službeni glasnik Općine Usora“, broj: 6/19). Također, navodi da posjeduje Stručno mišljenje Instituta za primjenjenu geologiju i vodoinžinjeriing d.o.o. Bijeljina iz 2016. godine da su bunari Lugovi izgrađeni dijelom u općini Usora, a dijelom u općini Tešanju i ne predstavljaju jednu tehničko-tehnološku cjelinu, te je Općina mišljenja da prvo treba riješiti pravo upravljanja nad izvorištem i vodovodom na području općine Usora, a tek nakon toga rješavati pitanja vezana za uređenje zona sanitarne zaštite i zaštitnih mjera, poštujući načela iz propisa o vodama, po kojem je voda javno dobro svih građana.

Dana 07.02.2024. godine u Ured premijera Zeničko-dobojskog kantona zaprimljen je akt Ureda za saradnju i zastupanje pred Ustavnim sudom Bosne i Hercegovine i Ustavnim sudom Federacije BiH, broj: 02-1-05-103/23 od 02.02.2024. godine, a kojim je tražena informacija o izvršenju predmetne presude, dostavljanje obavijesti o poduzetom, te da Vlada Zeničko-dobojskog kantona dostavi informaciju o statusu novog prijedloga odluke o zonama sanitarne zaštite i zaštitnim mjerama za izvorište „Jelah“-općina Tešanj. Aktom Ministarstva broj: 05-21-10399-3/23 od 19.02.2024. godine dostavljena je Informacija (hronološki), u kojoj je navedno, između ostalog, da se Općina Usora izjasnila da se nisu stekli uslovi za poduzimanje zajedničkih aktivnosti i predlaganje nove Odluke, te da je još uvijek na snazi Zaključak Općinskog vijeća Usore („Službeni glasnik Općine Usora“, broj: 6/19), te da Ministarstvo nije poduzimalo dalje aktivnosti na provođenju predmetne presude.

Imajući u vidu sastanak koji je održan u Ministarstvu za prostorno uređenje, promet i komunikacije i zaštitu okoline Zeničko-dobojskog kantona, a povodom izrade nove prostorno planske dokumentacije za Općinu Usora, te s tim u vezi problematike i prevazilaženje višegodišnjeg spora oko određivanja zona sanitarne zaštite i zaštitnih mjera za izvorište vode za javno vodosnabdijevanje stanovništva na području općine Tešanj i Općine Usora, izvorište „Jelah“, te da je jedan od zaključaka sastanka bio da ovo Ministarstvo zatraži mišljenje od Kantonalnog pravobranilaštva da li je Presudom Ustavnog suda Federacije Bosne i Hercegovine, broj: U-11/17 od 12.09.2017. godine („Službene novine Zeničko-dobojskog kantona, broj: 13/17 i „Službene novine Federacije BiH“, broj: 91/17) stavljena van snage Odluka o zonama sanitarne zaštite i zaštitnim mjerama vodozahvata “Jelah” općina Tešanj

(“Službene novine Zeničko-dobojskog kantona”, broj: 13/16). Aktom Ministarstva broj: 05-21-10399-4/23 od 12.07.2024. godine pribavljena je Stručna pomoć Kantonalnog pravobranilaštva, broj: M-68/24 od 07.08.2024. godine kojom je rečeno da je Ustavni sud dao upute na koji način da se presuda provede, odnosno jasno proističe dužnost donošenja nove, zakonite i ustavne odluke od strane donosioca Zeničko-dobojskog kantona, te da su stava da je predmetna Odluka, donošenjem odluke Ustavnog suda stavljena van snage, te nije donijeto prijelazno rješenje do donošenja nove Odluke. Aktom Ministarstva broj: 05-21-10399-5/23 od 22.08.2024. godine dostavljena je Stručna pomoć Općinskim načelnicima, te su pozvane općine da djeluju zajednički i na partnerskim osnovama, te da poduzmu zajedničke aktivnosti u pogledu predlaganja nove odluke o zonama sanitarne zaštite i zaštitnim mjerama za izvorište „Jelah“.

Dana 27.09.2024. godine u Ured premijera Zeničko-dobojskog kantona zaprimljen je akt Ureda za saradnju i zastupanje pred Ustavnim sudom BiH i Ustavnim sudom FBiH, broj: 02-1-05-103/23 od 24.09.2024. godine kojim se traži informacija u vezi provođenja predmetne Presude kako bi pripremili Informaciju za Premijera FBiH, odnosno da li su se stekli uslovi za donošenje nove Odluke, te ukoliko nisu, koje su aktivnosti poduzete za osiguranje istih, odnosno kada bi se moglo očekivati izvršenje presude. Aktom Ministarstva broj: 05-21-10399-6/23 od 14.10.2024. godine dostavljena je Informacija da Ministarstvo nije upoznato da li općine zajednički poduzimaju aktivnosti za predlaganje nove odluke.

Aktom Ureda za saradnju i zastupanje pred Ustavnim sudom Bosne i Hercegovine i Ustavnim sudom Federacije Bosne i Hercegovine, broj: 02-1-05-103/23 od 25.10.2024. godine u Ministarstvo je proslijeđen akt naslovljen na Vladu Zeničko-dobojskog kantona, a kojim je rečeno da je Presudom Ustavnog suda Federacije Bosne i Hercegovine naloženo, nadležnom organu, Vladi Zeničko-dobojskog kantona da donese novu Odluku o zonama sanitarne zaštite i zaštitnih mjera za izvorište „Jelah“ općine Tešanj, u skladu sa Ustavom i zakonom. U aktu je navedeno da primjena neustavne Odluke prestala sa danom objavljivanja Presude u „Službenim novinama Federacije BiH“, broj: 91/17, što je čini *de iure* nepostojećom, a zakonodvac se obavezuje da izvrši Presudu broj: U-11/17, te neustavnu odluku stavi van snage i time *de facto* trajno ukloni iz pravnog poretka Federacije Bosne i Hercegovine, te da se Uredu dostavi obavijest o mjerama poduzetim na način kako je navedeno u aktu, u cilju izvršenja presude.

Po nalogu Premijera Zeničko-dobojskog kantona, Ministarstvo je za Premijera Zeničko-dobojskog kantona izradilo Informaciju o dugogodišnjoj problematici predmetne Odluke od 20.11.2024. godine. U Informaciji je, između ostalog, navedeno da je Presudom Ustavnog suda FBiH iz 2017. godine utvrđeno da je Odlukom povrijeđeno pravo na lokalnu samoupravu Opštine Usora. U Presudi je navedeno za provođenje presude zahtijeva potpuniji, Zakonom propisani pristup i procedure koje će osigurati u prvom redu, punu saradnju Opštine Tešanj i Opštine Usora kao jedinica lokalne samouprave u regulisanju na odgovarajući način, međusobnih prava i obaveza o pitanjima zona sanitarne zaštite i zaštitnim mjerama za izvorište „Jelah“ u Opštini Tešanj, a koje se prostire na području obje opštine, odnosno, da su kantonalne vlasti kao donosioci osporene Odluke, u vršenju vlasti u vezi sa predmetnim zonama sanitarne zaštite i zaštitnim mjerama za navedeno izvorište, i sa Opštinom Usora bile dužne da djeluju zajednički i na partnerskim osnovama, u skladu sa relevantnim propisima Evropske povelje o lokalnoj samoupravi i Zakona o principima lokalne samouprave, tim prije jer se Opštini Usora ovom Odlukom, prema stanovištu Ustavnog suda, osim derogiranja nadležnosti koje pripadaju ovoj jedinici lokalne samouprave, nameću, osim određenih ovlaštenja, i veoma značajne

odgovornosti za vršenje određenih poslova i zadataka, zbog čega takav postupak kantonalnih vlasti nije u skladu sa relevantnim propisima Evropske povelje o lokalnoj samoupravi i Zakona o principima lokalne samouprave u Federaciji Bosne i Hercegovine.

Aktom Ureda za saradnju i zastupanje pred Ustavnim sudom Bosne i Hercegovine i Ustavnim sudom Federacije Bosne i Hercegovine, broj: 02-1-05-103/23 od 04.03.2025. godine u Ministarstvo je proslijeđen akt naslovljen na Vladu Zeničko-dobojskog kantona, kojim smo obaviješteni da je Ustavni sud Federacije u funkciji zaštite principa ustavnosti kao osnova demokratije i vladavine prava, dana 04.02.2025. godine, donio Rješenje kojim je utvrdio da predmetna Presuda nije izvršena, te da je Sud navedeno Rješenje dostavio Federalnom tužilaštvu Federacije Bosne i Hercegovine. Istim aktom zatraženo je da se Uredu dostave informacije o daljim poduzetim aktivnostima vezane za postupak donošenja nove Odluke o zonama sanitarne zaštite i zaštitnih mjera za izvorište „Jelah“ općine Tešanj, s ciljem praćenja implementacije Presude, a u skladu sa nadležnostima Ureda.

Dana 12.03.2025. godine u Uredu premijera Zeničko-dobojskog kantona održan je sastanak kojem su prisustvovali Premijer Zeničko-dobojskog kantona, Ministar Ministarstva za poljoprivredu, šumarstvo i vodoprivredu sa saradnicima, Kantonalni pravobranilac, Općinski načelnik Tešnja i Općinski pravobranilac, Općinski načelnik Usore i Zajednički pravobranitelj općine Usoru i općine Doboj Jug i saradnici iz općine Usora. Premijer Zeničko-dobojskog kantona je upoznao Općinske načelnike sa aktima Ureda za saradnju i zastupanje pred Ustavnim sudom Bosne i Hercegovine i Ustavnim sudom Federacije Bosne i Hercegovine, broj: 02-1-05-103/23 od 25.10.2024. godine i broj: 02-1-05-103/23 od 04.03.2025. godine koji su dostavljeni n/r Premijera, te da se neustavna Odluka o zonama sanitarne zaštite i zaštitnim mjerama za izvorište „Jelah“ općina Tešanj („Službene novine Zeničko-dobojskog kantona“, broj: 13/16) treba staviti van snage i time *de facto* trajno ukloni iz pravnog poretka Federacije Bosne i Hercegovine, kao i da postoji obaveza po važećim propisima, kao i predmetnoj Presudi Ustavnog suda Federacije BiH da se donese nova odluka, kako je citirano u presudi, djeluju zajednički i na partnerskim osnovama, a sve u cilju kako izvorište ne bi ostalo nezaštićeno od zagađenja i drugih nepovoljnih uticaja na zdravstvenu ispravnost vode ili izdašnost izvorišta. Općinski načelnici su se složili da izvorište mora biti zaštićeno. Općinski načelnik Usora istakao je da bunarevi ne čine tehničko-tehnološku cjelinu, a ujedno ne osporava da se stanovništvo općine Tešanj snabdijeva vodom iz bunara koji su locirani na teritoriji Usora, te predložio da se u prijedlogu odluke za zaštitu izvorišta sporazumno riješe pitanje naknade za korištenje vode. O prijedlogu su se Općinski načelnici složili, te se razgovaralo o modelu te naknade.

Članom 38. Zakona o vodama Zeničko-dobojskog kantona („Službene novine Zeničko-dobojskog kantona“, broj: 17/07) je propisano da područje na kojem se nalazi izvorište vode koje se po količini i kvalitetu može koristiti ili se koristi za javno vodosnabdijevanje mora biti zaštićeno od zagađenja i drugih nepovoljnih uticaja na zdravstvenu ispravnost vode ili izdašnost izvorišta, a članom 40. istog Zakona je propisano da odluku o zaštiti izvorišta čije se zone sanitarne zaštite prostiru na području više općina u sastavu Kantona donosi Vlada Kantona.

Članom 11. i članom 13. stav (2) Pravilnika o načinu utvrđivanja uslova za određivanje zona sanitarne zaštite i zaštitnih mjera za izvorište vode za javno snabdijevanje stanovništva („Službene novine Federacije BiH“, broj: 88/12) propisano da općinski organ uprave nadležan za vode na čijem području se nalazi izvorište dužan je, na prijedlog operatora vodovodnog sistema ili samostalno, da organizuje izradu elaborata zaštite izvorišta, organizuje reviziju

elaborata zaštite izvorišta, na osnovu nacrt elaborata zaštite izvorišta organizuje provođenje javne rasprave, dostavi nacrt elaborata zaštite izvorišta na uvid i mišljenje drugim jedinicama lokalne samouprave na čijem se području nalaze zaštitne zone izvorišta predložene elaboratom, uputi nadležnom organu prijedlog odluke o zaštiti izvorišta na donošenje, te obavezni sadržaj odluke.

Imajući u vidu dugogodišnju problematiku vezanu za odluku o izvorštima i zaštitnim mjerama na području Općine Tešanj i Općine Usora, potrebno je bez odlaganja u dogovoru sa općinama iznaći najoptimalnije rješenje, na obostrano zadovoljstvo.

MINISTAR

Jasmin Čajić